

懺法大觀序

粵自

太上開闡道法之流傳也遠矣而檢閱者多所未備一日門徒靈山子謁座告以屢遇異人傳授懺法若干詳呈余閱之上自三清四御下逮雷霆水火以及五祖七真無弗備具而南宮紫府懺法尤為難得編覽心喜不禁嘆賞曰大哉觀乎而靈山子欲輯集以成壹帙編其目曰大成余曰夫所謂大成者必無一之弗備而後始可以大成目之若汝所獲懺法其為諸天之彰彰在人耳目尚者則已無所闕略而尙未周徧於天曹也第有此香皇懺法為教三之一斯亦可謂鉅觀何弗即以

道藏輯要

懺法大觀序

一

柳集一

大觀顏之靈山子欣然受命即以請序於余余思易所云觀乎天文以察時變觀乎人文以化成天下此二語適與此帙名目允洽懺演夫天天文也懺傳於人人文也以天之時變而化裁乎生人堪謂名以義起而觀之象且曰聖人以神道設教斯大觀之懺法其殆亦神道設教之義也乎是為序紫雲洞回道入題

懺法大觀題詞

三教雖自殊途經典實同一致第釋氏之梵音雜語頗難領受非慧心不足以解之每見世人爭相諷誦而莫能其解殆猶終日飲食而莫知其味也惟我道者一家言明白簡易總是欲人敬天事天砥行修德與儒書相爲表裡則其化人也較釋氏爲捷如靈山子所獲異人傳授諸天懺法計三十二部以云大成未始弗當而吾

師則以大觀額之觀之時義大矣哉爰稽觀之義有曰大觀在上是卽諸天之儼然在上也又曰下觀而化是卽生人之同化於善也則謂道之三十二懺與儒之十三經同爲羽翼

道藏輯要

懺法大觀
題詞

二

柳集一
川名

皇王之治以化成乎天下也夫疇曰非一而爲之跋以志靈山觀遇之奇云春臺演文子薰沐題詞

懺法大觀序

余少業儒於身心頗思檢束而苦未純一初不知仙佛之道與吾儒相通也乾隆壬子長夏無事因誦楞嚴經覺戒淫殺盜妄實爲聖賢克己之學然亦未有入處會廣惠常任多善緣恒率余子予蒲往來其間暇時亦自兀坐一二時乃益覺身心性命之功由敬以植德本由靜以立人極三教原無異旨也嗣又閱指月錄傳燈錄等書粗知佛祖源流惟於道門諸天上聖以及度世高真未能洞悉本原詳覈事蹟僅知楞嚴所謂十種仙非神仙之極詣而服食外丹及諸旁門小術皆不得爲天仙大法宗旨而已庚申秋靈山張子來都攜其丁巳年在山左偕余子

道藏輯要

懺法大觀
序

三

柳集一

所刻懺法大觀一書余讀之竟如觀道門譜系如誦三洞真文舉凡先天至聖後天至真源流支派莫不確鑿有據攷稽無訛洵寶錄也於此可見神仙非渺茫之說功修皆平正之途總切求於身心而馴致於性命聖賢仙佛之道又何殊哉又何殊哉且懺者悔其既往之愆而防其未來之過卽儒之省察也卽儒之內訟也亦卽臨之在上質之在旁也人果能信心於此則誠意正心之學莫大乎是懺之爲義大矣哉因亟命余子詳校而重梓之後之學者幸信奉無褻焉是則余之願也夫嘉慶癸亥正月上元日梅芳老人蔣日綸識於守經堂

懺法大觀序

吾觀人之不皈大道者非徒心性昧也良由見聞闕焉慨自教
分爲三碌碌者方且以神仙之說爲渺茫而於無上至尊高真
上聖更爲畢世夢想所不到今靈山子彙集懺法大觀子披讀
編摹夜以繼日相與推敲訂正洞見晴空瑞日炳耀寰區合天
人相通之故爲古今不易之經蓋自有是書而人人可以知包
羅天地統御陰陽者竟如是之確切分明其庶幾悟大道有門
庭成真非虛幻乎噫彼又詎知夫天地至大而天地之內外更
有天地耶古今至遙而古今之上下更有古今耶難覓同心何
堪饒舌念予平昔浮沈識解中窮大失居歷有年所近獲真詮
功歸實煉乃益覺空悟之不足恃也矣竊恐世人亦必有與予
同病者因急梓行以公天下卽懇靈山子董其事重其人之可
託並敬其道之有成也爰題數語而歸之嘉慶丁巳中秋書於
香雪山房廣化子蔣子蒲夢因氏謹識

道藏輯要

懺法大觀
序

四

柳集一

懺法大觀識言

嘗思三乘教典大道爲尊一脉薪傳本源宜溯予也依淮僻處
繼父修真少無進取之懷青衿何戀長悟浮生之幻紫府投誠
自愧才疎苦無進步然旣皈依而恐後自應稽考夫最先無如
碌碌寰區悵見聞之甚隘迢迢霄漢非窺測所能窮五夜踟躕
一心嚮往乃幸前緣有自曾結善願於三生末路堪嗟已累元
修於九世因多良遇叠覩奇書原非得自無心實亦成於有志
寒儒一介每多構於解囊走覓經年誰念室如懸磬狐裘集腋
欣積少以成多蟻壤爲山思由分而入合暇日重爲披讀簡篇
尚欠精研纂訂不辭勞夢因洵稱巨筆壘篋兩相和宗法竊附
道藏輯要

懺法大觀
識言

五

柳集一
川

知音逐次編成差堪滿志牙籤錦軸卓然萬古奇觀鶴院琳宮
冀彼十方頂禮從此千秋道脉朗如日月長明更思九土開山
奉爲課程提唱羣知宗祖共識津梁傳誦徧天涯遂我度生之
願梓行由廣化佩伊衛道之心聊綴數言止期遺詞達意望諸
來者更爲翻刻宣揚珍重襲藏四十年今逢知己敷陳講論十
二部堪與同傳爰爲之跋以問於世云靈山子張持真謹識

重刊道藏輯要

懺法大觀目錄

卷一

紫府玄祖法懺 一〇一

玉清天寶法懺 一〇二

上清靈寶法懺 一〇三

太清神寶法懺 一〇四

太上老君專懺 一〇五

東華木父寶懺 一〇六

西華金母寶懺 一〇七

道藏輯要

懺法大觀
目錄

卷二

玉皇上帝寶懺 一〇八

后土上帝寶懺 一〇九

三光普照寶懺 一〇〇

卷三

大梵斗姥心懺 一一一

碧落慈航寶懺 一一二

太乙救苦寶懺 一一三

天官賜福寶懺 一一四

地官赦罪寶懺 一一五

水官解厄寶懺 二六

卷四

九天雷祖法懺 二七

北極蕩魔寶懺 二八

至德歲君法懺 二九

東嶽聖帝法懺 二〇

卷五

文帝元皇寶懺 二一

呂帝無極寶懺 二二

關帝忠武寶懺 二三

道藏輯要 懺法大觀 目錄 二

大羅八洞寶懺 二四

玉京四相寶懺 二五

祖真傳薪心懺 二六

卷六

大羅領班寶懺 二七

三茅真君法懺 二八

旻天收瘟寶懺 二九

水府護國寶懺 三〇

火官錫福寶懺 三一

天醫濟世寶懺 三二

柳集一

